

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

FILED

OCT 03 2016

ASST. CLERK OF COURTS
REPUBLIC OF THE MARSHALL ISLANDS

Dallas Langdrik ,
Plaintiff,
VS.
Dorcus Dolar et al,
Defendants.

CIVIL ACTION NO. 2005-241

KOLMENLOKJEN IM UWAK KO AN TRADITIONAL
RIGHTS COURT

RO UWAAN PANEL EO: Presiding Judge Walyer K. Elbon
Associate Judge Nixon David
Pro tem Judge Risi Graham

JIKIN IM RAAN IN RONJAKE EO AN CASE IN: Majuro Courthouse, Sept 13, 14 & 16, 2016

IAKWELEL KO AN PARTY KO: Iakwelel eo ikotaan party kein ej ikijjen won eo ej kabjor maron eo an Alap ilo weto kein ilo Ailinglaplap Atoll, Kabokbok im Monkiep. Dri Abnono ro rej abnono im kwalok bwe ejjab jimwe im jejet bwe Dri Jumae Abnono ro ren kabjor maron eo an Alap bwe imokein ruo rej imon bwij. Dri Jumae Abnono ro rej ba rej Alap in weto kein ruo, Kabokbok im Monkiep kinke kar lilok nan Lotolar eo me ej jimmaeir im elkin leo nejin Sam ear Alap im elkin Sam ro nejin im rej Dri Jumae Abnono ilo case in.

KAJITOK KO LETOK NON TRC JEN HIGH COURT EO: Won eo iaan Dri Abnono im Dri Jumae Abnono ro ejmwe im jejet bwe en kabjor maron eo an Alap nan Kabokbok im Monkiep weto ilo Ailinglaplap atoll?

UWAAK: Dri Abnono, Dallas Langdrik

MELELE KO REMOL IM KOLMENLOKJEN IM UWAAK KEIN REJ BEDBED ION: Panel eo an TRC eo ear komman ronjake kin case in jino jen kar September 13, 2016 im jemlok ilo kar September 16, 2016. Ear wor kein kamol ko im barenwot nan in kamol ko jen party ko kajojo. Ilo kar nan in kobelok ko an party kein rej jimor erra bwe weto kein, Kabokbok im Monkiep rej Imon Bwij. Ilo Amended Rule 2 Statement ko an kajojo party kein rej bar kalikar bwe party kein rej erra bwe weto kein Kabokbok im Monkiep ilo Ailinglaplap rej Imon Bwij. Bareinwot ejja ilo Amended Rule 2 Statement kein wot party kein rej erra bwe weto kein rej Imon Bwij jen Nejuan. Plaintiff Exhibit "A" eo me ekar ejjelok jumae ilo kar ien ronjake eo ej kalikar ak kwalok bwe Nejuan, kora ear wor jilu nejin einwot Lilik, kora, Lotolar, emaan im Lantok. Kora. Ej alikar jen Menmenbwij in bwe ro nejin Nejuan renaj jolete maron eo an Alap jino iben eo eritotata, im ilo menmenbwij ej Lilik. Ear bar alikar ilo nan in kamol ko bwe party kein rej juon wot family einwot nejin kora im nejin emaan. Party kein jimor rej erra bwe Neimat Reimers ej e eo im ej Iroi kio nan weto kein, Kabokbok im Monkiep im Neimata Kabua im Kabua Kabua rar iroi moktalok. Plaintiff Exhibit "B" leta jen Iroi jlaplap Kabua Kabua Im ear jeje ilo August 5, 1983 nan Dri Jumae Abnono ro copy nan Alap Jamwai. Ilo leta in Iroi jlaplap Kabua ej kwalok bwe cent eo an Alap ejjanin kar etal nan Lanno elkin an kar Sam Tolar mij. Ilo leta in Iroi jlaplap Kabua Kabua ej ba lelok money eo an Alap nan Mr. Jamwei. Einwot an lajrak ilo Plaintiff Exhibit "A" Jamwei ej emaan eo nejn Lantok im ekkar bwe e eo enaj bok maron eo an Alap elkin Lanno. Ilo jemlokin leta in an Iroi jlaplap Kabua Kabua ej ba nan Dri Jumae Abnono ro bwe ren lelok nan Beke, kora eo nejin Lanno money in waini ko rar jab liok nan Lanno. Plaintiff Exhibit "C" leta jen Leiroj Nemata Kabua nan Dri Jumae Abnono ro. Leta in an Leiroj Neimata ej kwalok bwe ej kamol im kaben lok melele ko an Iroi jlaplap Kabua Kabua ilo leta eo an nan Dri Jumae Abnono ro im ear jeje ilo kar August 5, 1983. Ej alikar jen plaintiff exhibit "A", "B" im "C" bwe Beke kora eo nejin Lanno ejimwe im jejet bwe e eo en kar kabjor maron eo an alap nan weto kein Kabokbok im Monkiep ilo Ailinglaplap Atoll elkin Lanno im Jemwia.

Defendant Exhibit "1" juon ennan ilo jeje jen Leroij Neimat Reimers eo me ear jeje ilo September 6, 2016. Kar jake mantak pepa in ak ennan in ilo jeje einwot kein kamol an Dri Jumae Abnono ilo kar ien ronjake eo an case in. Bilton Sam eo me ej party ilo case in ilo nan in kamol ko an ikkijen pepa in Defendant Exhibit "1" ear kwalok bwe nan kein ilo pepa in rej an wot Leiroj Nemat im ejjelok an ennan ilo pepa in. Bilton ear kwalok bwe ekar e wot eo ekar ber iben Leiroj Neimat kin pepa in im ear ejjelok jen ro ilo party eo an Dri Abnono ro ear ber. Panel eo an TRC eo ej loe bwe enaj kar jimwe im jejet lok elane enaj kar wor ro rej ber jen party of Dri Abnono ro. Ilo pepa in Defendant Exhibit "1" ej kwalok bwe ear ejjelok kiojaljal im aitwerok ikotañ family kein mantak mae rainin. Em enin unin panel eo an TRC eo

ej kile ak loe bwe ejimwe im jejet bwe en kar wor ro rej ber ilo tore ak ien eo Leiroj Nemat ej kmmene Delacracion ak ennan kein an. Ilo kar August 5, 1983 eo Irojlaplap Kabua Kabua ear kwalok won ro ej kile er bwe rej Alap nan weto kein Kabokbok im Monkiep. Ear jab kwalok kin elane ekar wor aje ak kon ko kar komman ikotan party kein. Leiroj Neimata eo me ear Leiroj elkin Kabua Kabua ear erra iben Kabua Kabua einwot an alikar ilo leta eo an nan Dri Jumae Abnono rein me ear jeje ilo September 2, 2002 ak Plaintiff Exhibit "C". Dri Abnono ro ilo case in rar file e abnono in aer ilo September 20, 2005. Family in ej ber wot ilo kieojaljal im aitwerok tok nan rainin. Airine Tolar, eo me ej bar party ilo case in einwot Dri Jumae Abnono ear jab bok jea in kamol eo mene etan ear walok ilo Amended Rule 2 Satement eo einwot rikamol nan Dri Jumae Abnono. Ilo uaak eo an Arine Tolar nan abnono eo ej kwalok bwe ejjab jela won eo ej alap nan weto kein, Kabokbok im Monkiep. Ilo Amended Rule 2 Statement ej erra bwe weto kein rej Imon Bwij an Nejuan. Eli Sam ilo naan in kamol ko an ear kwalok bwe Lakumok eo me ej ba ear alap eo moktalok jen Nejuan ear lelok maron in alap eo nan Tolar. Lakumok ejjab ellajrak etan ilo menmenbwij eo ak Plaintiff Exhibit "A" im ejjelok konono kake e ilo documents ko reber ilo case file 2005-241. Ak panel eo ilo an etale menmenbwij eo Tolar ej emaan nejin Nejuan, im jatin Lilik kora eo erito tata nejin Nejuan. Aet Tolar einwot nejin Nejuan emaron kar kabjor maron eo an alap elkin Lilik im maron kar alap elane Lilik ear kabbeiki ijowotke ro nejin Tolar reban jolete maron eo an alap kinke rej toor in btoktok jen Tolar im naj jolete wot maron eo an Dri Jerbal.

Ilo an kar panel eo an TRC eo etale kein kamol im ronjake kemelele im melele ko jen party kein kajojo ej alikar bwe ejimwe im jejet bwe Dri Abnono(Plaintiffs) ro rej er eo ejimwe im jejet bwe er eo rej kabjor maron eo an Alap nan weto kein im konono kaki, Kabokbok im Monkiep ilo Ailinglaplap Atoll.

MANIT IM IMENENE KO REJELET CASE IN: Ekkar nan manit in Marshall im imenene ko ikkijen manit, ej alikar bwe imon bwij ej ejaak jen kora im ro nejin renaj kabjor maron eo an alap, im einwot ilo case in ro nejin Nejuan renaj kabjor maron eo an alap. Ro jibwin Nejuan einwot ro nejin kora renaj wonmanlok wot im kabjor ak jolete maron eo an alap im ro nejin emaan renaj kabjor maron eo an botoktok ak dri jerbal. Manit in emaron wor wot oktak elane ewor karok ko me aolep ro uaan family eo renaj erra kake. Ilo case ej alikar bwe Dri Abnono ro rar kwalok bwe ejjelok aer jela iim melele kin jabrewot kon ak oktak ko ro mokta rar kommani.

KEIDI MANIT IBEN MELELE KO REMOL: Ilo kar yio eo 1983 Iroiylaplap Kabua Kabua ear kwalok an kile Beke einwot alap an Kabokbok im Monkiep weto ilo Ailinglaplap Atoll. Ear bwe jaan eo an alap jen waini me ear jab ilok nan alap Lanno en etal ilo ien eo emokaj tata nan Beke, Plaintiff Exhibit "B". Im ilo kar yio eo 1992 Leiroij Neimata Kabua eo ear Leiroij elkin Kabua Kabua ear kamol im kabinlok wot melele eo an kar Iroiylaplap Kabua Kabua, Plaintiff Exhibit "C". Plaintiff exhibit "B" im "C" rej kalikar bwe ear ejjelok an Iroiylaplap Kabua Kabua im Leiroij Neimata jela ak melele kin jabrewot kon ak karok einwot an walok ilo declaration ak naan ko an Leiroij Neimat Reimers ilo jeje im ear komman ilo September 6, 2016, Defendant Exhibit "1". Ilo an jab bwe melele ko nan kamol bwe ear wor kon im karok ko moktalok panel eo an TRC eo me ear ronjake case in ej bedbede wot uak im kolmenlokjen eo an ilo Plaintiff Exhibit "A", "B" im "C" ke ejimwe im jejet bwe Dallas Langdrik ak Dri Abnono ro ej er eo rej alap nan Kabokbok im Monkiep weto ilo Ailinglaplap Atoll.


RIKAMOL RO: Nan Dri Abnono
Love Langdrik
Langu Langdrik

Nan Dri Jumae Abnono
Eli Sam
Bilton Sam

KEIN KAMOL KO: Plaintiff Exhibit "A" Genelogy of Bwij
Plaintiff Exhibit "B" Letter Jen Iroiylaplap Kabua Kabua
Plaintiff Exhibit "C" Letter Jen Leiroij Neimata Kabua
Plaintiff Exhibit "D" General Power of Attorney
Plaintiff Exhibit "E" Certificate of Death, Beke Langdrik
Defendant Exhibit "1" Declareaction of Leiroij Neimat Reimers
Defendant Exhibit "1A" English Translation of Declareaction

MELELE KO JET PANEL IN EJ TOMAK REKAR NON KWALOKI: Party kein jimor ilo case in rej juon wot famly einwot an kar bar alikar ilo ien ronjake case in. Eber maron eo ibbeir nan jokwe im mour im mona jen weto kein. Ejimwe ne rej ber im jokwe ilo weto kein im karreoiki bwe ej jikieir. Ijowotke ke ekkar nan mantin Marshall ikkijen lajrak ko ion bwieij, ewor ro rej kabjor maron eo an alap. Einwot kar kwalok imaan lok ilo juon Imon Bwij ejimwe im jejet bwe ro nej in kora ej er ro rej kabjor maron eo an alap.


Dated:



Walter Elbon, Presiding Judge



Nixon David, Judge TRC



Risi Graham, Pro Tem Judge TRC